



Broj: 07-05-21- 42733/22
Sarajevo, 14.10.2022. godine

**Federalno ministarstvo poljoprivrede,
vodoprivrede i šumarstva
Ulica Hamdije Čemerlića br. 2
71 000 Sarajevo**

PREDMET: Inicijativa za izmjenu i dopunu "Pravilnika o uslovima za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva".

Shodno preporukama Komisije koju je formirala Vlada Kantona Sarajevo, a koja je pripremila „Nacrt Privremene odluke o zaštiti izvorišta vode za piće – Sarajevsko polje”, podnosimo inicijativu za izmjenu „Pravilnika o uslovima za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva", (Službene novine FBiH broj 88/12"), iz sljedećih razloga:

Komisija u svom izvještaju navodi sljedeće "U Pravilniku iz 2012. postoji nekoliko ključnih izmjena u odnosu na stari Pravilnik iz 2002. godine kada su u pitanju smjernice za određivanje sanitarnih zona u izvorištima intergranularne poroznosti. Prema njima se intergranularnim sredinama I zona zaštite postavlja na 10 m od svih objekata na izvorištu, II zona na udaljenosti od koje je podzemnoj vodi potrebno 10 dana da dođe do vodozahvata u uslovima crpljenja količinom koja zadovoljava maksimalnu dnevnu potrošnju. Granica III zone definirana je sa zadržavanjem vode u podzemlju 50 dana prije ulaska u vodozahvat, IV zona postavlja se na granicu hidrogeološkog sliva. Generalno bi se moglo reći da su prema novima uputstvima zone sanitarne zaštite smanjene, te se kao primjer može navesti da npr. nekadašnja Ib zona odgovara sadašnjoj III zoni, a nekadašnja II zona koja se postavljala na osnovu zadržavanja vode u podzemlju od 180 dana prije ulaska u vodozahvat, je potpuno izbačena. Sadašnja IV zona odgovara nekadašnjoj III zoni.

Zaštita izvorišta je od krucijalne važnosti za razvoj svih gradskih općina, odnosno Kantona Sarajevo, te ukoliko bi se nerazumnim odlukama narušio kvalitet ili kvantitet voda, to bi na Grad Sarajevo, odnosno Kanton Sarajevo, ostavilo nesagledive privredne, socijalne, ali i političke posljedice. Sadašnji Pravilnik koji je na snazi treba u pojedinim dijelovima izmijeniti, a u nekim

segmentima i dopuniti u pravcu da se bolje zaštite izvorišta vode za piće, a posebno ona koja se nalaze u urbanim sredinama kakvo je u Kantonu Sarajevo Izvorište vode za piće "Sarajevsko polje". Komisija smatra da je neophodno donijeti strožiji Pravilnik."

Također ovo Ministarstvo zahtijeva da aktivno bude uključeno u rad na izmjenama i dopunama "Pravilnika o uslovima za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva", imajući u vidu da kod donošenja i pripreme prethodnih Pravilnika nismo imali mogućnosti da damo stručni ili bilo koji doprinos.

MINISTAR

Adnan Delić

Dostavljeno:

1. Naslovu,
2. Evidenciji,
3. a.a.